

Ewa Warmowska

# Dzén za dnia

Bącka Huta, grudzień 2008

**Korekta językowa:**  
mgr Danuta Pioch

**Grafiki, okładka:**  
mgr Barbara Warmowska

**DTP:**  
mgr inż. Przemysław Łagosz

**Druk i oprawa:**  
Drukarnia „Bernardinum” Sp. z o.o., Pelplin

**Copyright © by Ewa Warmowska, 2008**

## **MECENASI WYDANIA**

Starostwo Powiatowe  
w Kartuzach

Stowarzyszenie  
na Rzecz Rozwoju Sołectwa Bącka Huta

Gminny Ośrodek Kultury  
w Sierakowicach

Firma Handlowa „**BAT**” Sp. z o.o.  
w Sierakowicach

**ISBN 978-83-923942-1-1**

## WSTĘP

*Drogi Czytelniku!*

Od pierwszego spotkania minęły dwa lata. Nie spodziewałam się, że tak szybko ukaże się kolejny zbiorek wierszy. Tym razem zawiera dodatek poświęcony moim oryginalnym uczniom, których przez 30 lat pracy w zawodzie nauczyciela spotkałam bardzo wielu.

Ten tomik, podobnie jak „*Trapě do nieba*” ma charakter rodzinny, obok wierszy dla dzieci, są też utwory dla dorosłych. Dwa światy i dwa spojrzenia, jedno dziecięce, a drugie dojrzałe, tak naprawdę trudno od siebie oddzielić. Przecież każde dziecko kiedyś dorasta, i każdy dorosły był dzieckiem.

Ilustracje mojej córki Barbary pięknie wzbogaciły wiersze. Nasz twórczy pokoleniowy tandem daje nam dużo radości czego życzę też Czytelnikom.

*Ewa Warmowska*

## Dzén za dniã

Dzén za dniã przemijô na wiedno.

Kąsk szkòda.

Žécé niejednémù przecékô przez pôlce.

Jak wòda.

Kòzdi szukô môla.

Dlô siebie.

Te wszëtczé dnie i nocë

to nasze lëdzczé sprawë.

Kùliž to drogów mùszi człowiek przewãdrowac

žebë wszëtkò co wòtrné

nalezc i na wiedno w sercu zachòwac...

# SPISËNK RZECZI

## **WSTËP**

Dzén za dniã

Spisënk rzeczi

## **WIESOLI SWIAT**

Jak tósz z kòtã

Jiwer z pùpkã

Mòwa

Mój janiólk

Na dobranoc

Redosc

Taczi knôpik

Te, chtërne kòchóm

Wiesoli swiat

Zëmòwé jigrë

## **BEZ SWIAT**

Bez miłotë

Janiól redoscë

Bez swiat

Biój dali!

Cëchòsc

Daremnô stara

Lëchi spik

Miłota

Mijô czas

Ni mómë czasu

Minionô chwilo

Pamiãc

Na òceanie nieba

Piãkny lëdze

Plastikòwi swiat

Pòdzãka

Spòsób na szczescé  
Szkaplérzëk  
Tëli  
Za to, że jes ze mną  
Žòl

### ***DECH NÔTĚŘĚ***

Dech nôtěřë  
Krëjamnota mlëczów  
Macejka  
Marzëbiònka  
Ò pòkrzëwie  
Pròwda ò mòtilach  
Pajk - artista  
Kamie!

### ***JINÉ WIÉRZTE***

Jastróm  
Kartëškò kòlegiata  
Na Gòdë  
Rodnô Zemio

# WIESOŁI SWIAT

## Jak tósz z kòtã

Kòt i tósz  
nie žëją w zgòdze,  
ò tim kòzdi wié.  
Leno jak tu przińc do rëchtu,  
jak jeden pchch!, a drëdzi wrri!  
Szczekò tósz, bleczy kòt,  
ten za ògón, nen za ùchò,  
jeden drapie, grëze drëdzi.  
Nijak sã ni mògã zgòdzëc!  
Leno mlékò i gnòt  
zakùnczëlë sztrid.

Kòzdi przë swòji misce sedzy  
Kòt mlékò chlapie,  
Tósz grëze gnòt.  
W taczim ùbëtkù  
pròwdã gadac  
jò dostòł (dosta) téz aptit!



## Jiwer z pùpką

Mëma, mëma  
òbôcz le,  
mòja pùpka chòrò je!  
Brzuszk jã bòli,  
główka téż,  
tak mòckò płacze,  
pòmòz ji!

Mëma pùpkã pòmùjka,  
na klin dzeckò swòje wzã.  
Zaspiéwa kòlibiònkã.  
Ùsnãła córeczka,  
pùpka ju nie płacze...

Blós kòchónò mëma  
znaje czarë taczé.  
I wierzëc mòżesz czë téż nie!  
Mëma na wszëtkò radã mô,  
Mëma pò prôwdze wszëtkò wié!

## Mòwa

Chòc jem jesz mòlò  
i niewiele móm lat  
pò kaszëbskù chcã kòrbic  
jak starka i stark.

Cëż w ti mòwie naszi je,  
że tak cygnie nas do se.  
Kaszëbsczé zwëczy, mùzykã, spiéw,  
lubiã tak baro, że jaż bierze dzyw!

Jak ùczëją mòje słowa  
Starka, stark, mëma, tatk  
gwësno ùceszã sã baro,  
że pò naszémù gadac chcã.

Ta mòwa to je dór,  
co nas parłãczy i prowadzi,  
Kaszëbskò mòwò kòchóm Ce  
i dlòte Të nie zadziń!

## Mój janiólk

Nad mòjim łózkã  
wisy janiólk wężłobiony z drzewa.  
Mô gąbkã òtemkłą  
jakkbë wcyg chcôł spiewac.

Janiółka zrobił dlô mie stark,  
bë mie pilowôł  
w dzén i òb noc  
i chrónił òd zlégò.

Na wiedno  
bãdã mia w pamiãcë  
tëch, chtërny mie kòchają,  
bò dzãka nim  
jem tak szczestlëwô  
jak le bëc mòże!

Chto je kòchóny  
rozmieje kòchac szczerze!

## Na dobranoc

Nigle spac sã pòložã  
wzéróm na wieczórne niebò,  
a gwiónzdë do mie pùszczają òkò  
mëszlã sobie, òne gwësno  
ze swòjèch niebieszich gniòzdków  
mërgają do nas z wësoka.

W dzén spiã smaczno  
a Matka Bòskò òkriwò je deką  
i kładze na blónów pòdëszczi.  
Òb noc bùdzą sã te skrë złoté,  
bò sã cekawé  
czë dzecë jesz sã mòdlã,  
czë ptòszczy ùsnãlë,  
czë miesãdz wëplënął ju na strzébrnym  
bòce...

Matka Bòzò jak kòzdò Nënka  
bezùstòwno sã krzãtò  
i mò taczé dobré serce,  
że pòceszëc rozmieje nawetka nòmiészé  
stwòrzenié bòzé.

Je kòl mie czej rãce do mòdlëtwë skłòdóm  
jak starkòwi przënòszóm jëstkù do lòzka  
jak z bracynkã sã bawiã  
jak czëtóm òpòcuszkù.

Dzãkùjã Bòzò Nënkò, Swiónowskò, Swòrzewskò, Swòjskò  
Terò ju mògã w ùbëtkù spac do rena.

Dobranoc.

## Redosc

(dlô Zužě)

Jem wiesoło jak mòtilk,  
abò jak ptôszk  
co skôcze pò dróce.  
Tak mie sã  
chce wiedno smiôc,  
že stark nazéwô  
mie smiészka.

Spiewac též jô baro lubiã:  
doma, w szkòle, dze sã dô.  
Je redosné mòje žécé,  
bò smiéch i spiéw  
je czãsto w nim.

Chòcbě wiater,  
chòcbě deszcz,  
chòcbě czôrné blóně běłë  
wcyg na niebie,  
Smiéchã je rozněkóm  
i redosc rozsejã wkół siebie.

Bò chto sã lubi smiôc,  
chto jinym redosc dôwô,  
ten dobré serce mô  
i sóm je baro szczestlëwi.

## Taczi knôpik

Jeden knôpik  
nikògò nijak nie slëchôł,  
czël dobrze, jak miôł co dostac,  
leno, czej miôł co zrobic,  
bël czësto glëchi.

Pò sto razy ò wszëtkò  
prosëc gò bëło trzeba,  
a òn i tak nick nie czël.  
Wiôlgò z nim bëła biëda!

Jaż tatk pòwiedzôł:  
kùnc taczych pòstãpków,  
tak dali bëc ni mòże!  
Mùszi bëc jinaczi!

Òdtąd nicht knôpika nie wòłôł  
i ò nick nie prosył.  
Jak chcesz bëc sóm sobie,  
òstón glëchi...

Zasromił sã tedë baro  
swòjëch starszich przeprosył  
i... cëdowno òzdrowiôł!  
Wicy ju nie ùdôwôł, że je glëchi.

## Te, chtërne kòchóm

Te, chtërne kòchóm  
dodôwają mie sëlë.  
Òkrągłi pësëczk Julczy ceszi baro,  
Michasza we mie  
jak w òbrôz wzérô,  
Jolka nie zlôzô z klina,  
Natalka mądrze òpòwiôdô  
Czasã nawetka chcą, zebë na sztót bëc jich mëmã...  
Lidka kòchô  
jakkbë taczé mia wëpëlnic nadanié  
Agatka piãkno sã klóniô  
a Zuza mie skruszô kaszëbską mòwą  
Dzäkùjã za Adriancki, Emilcki, Mòniczcki, Paulincki,  
Olë, Marcyszë, Łucjë, ceplé rączcki,  
za Filipa, Bartosza, Dominiczka żëczlëwé słowa  
Jesz tëlì tich mionów...  
Czë to wiérzta czë lëtanijô?  
Sama nie wiém.  
Żëcé pò krôj wëfùlowóné miłotã  
prostã i szczerã jak serca dzôtków.  
Niczegò ni mùszã żalowac.  
Dzôtczi lékarztwò na smùtczi i zòle  
Chòc tëlì ju minãło lat,  
Z wama jô nigdë nie bådã stôrô...

## Wiesoli swiat

Skôcze Ala,  
Skôcze bala,  
Skôcze żaba,  
Skòcze kòt.  
Terô wszëtczim sã wëdôwô,  
że swiat całi skôcze mët.

Mòje nòzci téż chcą hòpsac  
na skôczónce,  
na zelony, mitczy łące.  
Jeden, dwa,  
Jeden, dwa  
Je wiesołi całi swiat!



## Zëmòwé jigrë

Przëlecałë skrzydlaté janiółczy prosto  
z nieba  
przëniosłë na zemiã  
biólé gwiónzdczi pùchòwégò sniegù.  
Bãdą terò dzòtczi lepilë snieżélca,  
Bãdze jim wiesoło,  
smiéchóm, tuńcóm, jigróm  
nie mdze kùńca.

Na sóneckach, pùrgach, chùtkò  
z górczi na dół  
jadą na miónczi  
tak piãkno sã bawią.

A jak sã òcepli i snieg bãdze tajac  
strédzi wòdë pòplëną  
zëmã wezną z sobą,  
janiółczy òdleca...

Chòc bãdze kask teszno  
Nie jiscë sã baro.  
Za rok znòwù bãdą jigrë!  
Za rok znòwù bãdze biòło!

# **BEZ SWIAT**

## Bez miłotë

Nie rozmiejã kòchac  
tak jak bëm kòchac chcała,  
żebëm tak mògła  
jak nie rozmiejã  
wiele bëm za to dała.

Miłota – ùskarnienié dejału,  
mòże bẽ jã złożęc  
w biurze wògów i miarów:  
ną nôpierszą niesmiałą  
i òstatną, jak wino dozdrzeniałą.

Bez miłotë człowiek nibë kam,  
nick nie czëje,  
bò nibë żëjącë  
tak pò pròwdze  
nie żëje...

## Janiól Redoscë

Janiól Redoscë  
mô włosë rozwióné  
i skrzydła përnã rozszorzoné.  
Òn mô bënômni redosny żëwòt,  
nijak nie biwò zajiscony.

Janiól Redoscë  
snôzi, cëchi, niewidzali,  
nie spùszczô nas z òka  
i skrzydłama òbjimô.  
Szkòda, że na janielską mòwã  
jesmë za głëchi...

Janiól Redoscë  
chróni nas jak mòże  
przed smùtkã i bólã,  
przed ùpòdkã i łzama.  
Janiele Redoscë,  
niewidzali, snôzi, cëchi,  
wiedno nas prowadzë,  
wiedno bãdzë dëcht sprzëti.

## Bez swiat

Jesz tak niedôwno  
za rączkã  
na krótczych nóżkach  
przemiérszôł człowiek swój malinczi swiat.  
Jak w ny tasce bez ùcha  
szmaka zbòżowô kawa,  
a swójsczi chléb z maslã  
lepszi bël jak kùch.  
Z pùpkã na klinie  
zaslëchónô w snôżé bôjczy mëmë,  
bezkłòpòtno, bez jiwrow, smùtków i wòlnô jak ptôszk  
Mëslôł malinczi człowiek, że wiedno bãdze tak.  
Dzeczyné lata dôwno minãlë  
Jaż w òkù krący sã łza...  
I sã wëdôwô jakbë to wczora  
wãdrowôł człowiek  
i pòznôwôł swiat.

## Biôj dali!

A jak ju wszëtczégò môsz dosc  
i całi swiat cë sã rozpôdô

pòmëslë

Nié blós tã môsz jiwрэ, wicy wiarë:

Biôj dali!

Nicht nóm nie òbiecywôł

że bãdze prosto, letkò i bez jiscënków,

że pùdzemë sztrasã bez zòkrãtów.

Nicht nóm nie dôwôł taczi przësëdзи.

Biôj dali!

To co przed tobã mòże bëc piãkné.

Chòc jész nierôz ùpadniesz na kòłana,

jész nierôz staniesz na nodзи.

Biôj dali!

To jész nie je kùnc twòji drodzi.

Pòdlecënczi i ùpòdczi

przeżëjiesz,

Smùtczi i redoscë téz.

Tak przeplôtô sã zëcégò krąg

òd kòlibczi jaż pò kùnc.

## Cěchòsc

W cěchòscě dobré i lěché  
žěcé i smierc  
cemnosc i wid  
pòtikają sã razã.

W cěchòscě ni ma  
nôwôžniészěch sprawów.  
Cěchòsc je głěchô,  
nie dô sã ji òbłaszczëwic  
Cěchòsc tak cěchô,  
že mòže ùczëc mësłë swòje.  
Cěchòsc tak cěchô,  
že mòže w ni òglëchnãc prawie.  
Chòc jedno słowò niech zagłëszì to mólczenié  
mùszì przerwac tã cuszã swiata  
Kòzdi dzén je nama dóny pò to,  
žebë pòtkac drëdzégò człowieka.

## Daremnô stara

Dô taczych lędzy, co jak sã zakrąca  
zemia wirëje, jak dëcht chca.  
To, co przed sztótã niemòżebné,  
Przëbiérô wnetka realistny sztôłt.  
I mëszlã sobie, jakbë chcelë  
Pòmnik z pòdstôwka téż bë wstôł.  
Rozmieją jiny redosc dac  
Nie czekającë na grzim brawów.  
Leno cëż z tegò...  
Chòcbë człowiek stojôł na głowie,  
To pewnegò karna lędzy  
Zadowòlec prosto sã nie dô na nizóden spòsób.



## Lëchi spik

Skądka sã bierzã czôrné mësłë  
co wzdrok òd snôzotë òdriwają  
Czôrnã blonã, wiôlgã ceniã  
kòżdã chwilkã òkriwają.  
Òkò nie widzy,  
ùchò nie czëje  
i serce w ritm nie bije.  
Smùtkù i żôlu  
të czôrny ptôchù  
òdlecë, òpùszczë  
dëszã mòją.  
Za redosc dnia,  
za spòkój nocë  
kùli bë człowiek dól...  
Czë to krople deszczu  
czë mòże z żôlu łzë?  
To blós bëł lëchi spik,  
za òknã bùdzy sã nowi dzén.

## Milota

Nie dô sã ji wpisac w kalãdôrz  
i ùmëslëc dokładno.  
Òna przëchôdô bez słowa  
i nie wiész jak to sã dzeje  
że widzysz wszëtkò w farwach tãdzi,  
pamiész.  
Je wiatrã we włosach  
Je sztëczkã nieba  
Je snôżotã swiata  
Je kraftã żëcégò  
Òna nie wëbiérô wiekù, mólów ani czasu  
Nie dô sã ji wpisac w kalãdôrz  
Przëchôdô wnym  
Je piãknô  
dlôte niech trëwô  
Milota krëchô jak szkło  
i mòcnô jak stól.

## Mijô czas

Pùstô droga,  
ni ma żëwégò dëcha,  
blós lëste z drzewów spôdają  
tak letëchno i cëchò.  
Jesz wczora chtos szpacérą  
chòdzył i wdichòł lëftu wòniò  
pòchnącą deszczã i smùtkã jeseni.  
Dzysò lëste przëkrëłë  
kòłoważa i stopczy na drodze.  
Nie wiém, czë to wietwie grają  
nótë z dôwnëch lat  
czë blós mie sã zdôwò...  
To mijô czas.

## Ni mómě czasu

Ni mómě czasu  
gadac, przepaszac, słěchac.  
Ni mómě czasu  
kòchac, mėslec, òdděchac.

Chùtkò, jesz dzys, zarò,  
a kraft żęcégò nóm ùmikò  
coròz dali i dali...  
Mómě wiele pòtrzebnotów, wiele robòtë  
Czas ùcékò,  
a mē blòs z tim, co w gòzrcë  
Dze snica, co miałë bęc pònad wszëtkò?  
Szukómë wicy i wicy,  
i wcyg mómě za mało.  
Czë leno to sã liczi?  
Ni ma ju czasu  
gadac, przepaszac, słěchac,  
kòchac, mėslec i nawetka òdděchac...

## Minionô chwilo

Gdze jes minionô chwilo  
tak cędnô chòc ùlatownô.

Gdze jes minionô chwilo  
ta, chtěrną na wiedno  
chcałobě sã zatrzěmac.

Gdze ùsmiėwk kòchóny òsobě, snòzé słowa,  
to pòtkanié, co bëło jediné...

Gdze jes minionô chwilo  
co nigdė ju nie wrócysz.

Czė wòrt ce w pamiãcė zachòwac,  
Czė to wszėtkò mò jaczi szėk...

Tėli òbrazów, zwėczajnych i niezwėczajnych  
przėtròfków

Pòkądka w swòji pamiãcė je mómė  
Żòdna cėniò niczegò nie zakrėje.

Wszėtkò mò szėk  
wszėtkò mò znaczenié.

## Pamiãc

Ju nick nie mdze  
taczé jak przódë,  
bò bëc ni mòže...  
Nie dô sã dwa razë  
wénc do ny sami wòdë.  
Twarze, zdarzenia, snôzé môle przesuwayã sã  
w kalejdoskòpie pamiãcë,  
czas tak gòni, że  
dzén jakno minutka,  
rok jak miesãc mijô.  
Leno, czë pòmału,  
czë chùtkò  
wiedno wòrt je miec starã  
ò sprawë co wcyg sã wòzné  
i chtërnëch nie jimô sã czas.  
Ju nick nie mdze taczé samò,  
A wdôr òstónie w nas.

## Na òceanie nieba

Na òceanie mòdrégò nieba  
bielëchné òkrãtë blónów plëną pòmału,  
wiater je kùszkò i mùjkò letëchno,  
prawie niewidzale.

A jak sã zerwie i nacygnie żògle  
blónë chùtkò jedna za drëgą ùcékają.

Człowiek żeglôrz, nierôz jak òne

Gnô nie wiedzec dze i pò co?

Cãżkò mù sã zatrzëmac

bë kòmùs pòdac rãkã

i ùdzielëc pòmòcë.

A jakbë przëstanąc i pòdniesc zdrok

ùzdrzec mòże snôzotã

bez początkù i bez kùńca.

Zwëczajnò nòdzejo, pòtrzébnò jak chlëb

bãdzë nòdzejã dlô człowieka.

Jes na wëcygnienié rãków

na krótkòsc dechù

i na bicé serca.

Starczy cos zrobic,

A nie blós nieùstòwno czekac.

## Piäkny lëdze

Piäkné są kwiatë  
snôzé są ptôchë  
cëdnô nôterà całô  
A jô móm kòle se  
piäknëch lëdzy  
i to je barzi widzałé.  
Wiedno naprocëm  
wiedno z pòmòcą  
z ùsmiéchã, dobrã radã.  
Czëjã, że żëjã,  
bò móm dlô kògò  
Nic drogszégò nad drëchów,  
nad przëjòcelstwò co mòc mò i sëlã.  
I chòc przinãdze z deszczu wlezc pòd rënã,  
wszëtkò strzimiã,  
bò nie jem sama.



## Plastikòwi swiat

Corôz barzi falszëwé, mało wôrtné  
wszëtkò jak plastikòwô taska,  
chtërną mòże zgniesc i bez jiwru  
wërzëcëc.

Plastikòwé żëcé  
wnym, na chùtczégò  
na sztócëk.

Miłota,  
witra ju nieaktualnô  
jak wczorajszô gazéta.  
Plastikòwé deiałë  
dlô òka, na pòzdrzatk,  
jakkbë żëcé miało dérowac  
z biédą chwilkã, minutkã  
i zamknąc sã w plastikòwi tasce  
jedorazowégò ùżëtkù.

## Pòdzãka

Za czësté niebò  
za tuńc jaskùleczczi w lëfce  
za mùzykã lasu  
za zelonosc trôwë  
za deszcz, za cud tãdži  
za słońce i wiater  
za pôchã i farwë kwiatów  
za zbòżégò złoté kłosë  
za Rôj  
i mòje szczescé  
Dzãka.  
Czë mòże człowiek chcec co jeszcze...

## Spòsób na szczescé

Bùdzącë sã reno pòmëslë  
jaczi to skòrb – najé žëcé...  
Jak cëdowno òddëchac,  
grac w zeloné, snic, smiôc sã,  
môłczëc i slëchac,  
a nié narzekac  
cagã dmùchac na zëmne  
i głowã w piòsk dërch chòwac.  
Mùszi ùwierzëc w siebie, swiat  
i zwëczajno sã z nim zmierzëc.  
Mùszi snic ò tim co niemòżebné  
i mòckò tegò chcec.  
Blós tedë sã zjiscywô  
jak sã człowiek nie pòddô.  
Mùszi snic w spikù i na jawie.  
To je spòsób na szczescé,  
żebë mògło sã nama przëdarzëc.

## Szkaplérzëk

Mój malinczi szkaplérzëk òd starczy  
jô zgùbia dzes pò drodze.  
Daremno szukóm,  
chtëż mie pòmòc mòże.  
To òn mie chrónił przed lëchim,  
to òn mie pòkazywôł drogã  
i pòmógł dozdrzec co dobré.  
Szukóm òcemicã  
i takô mësła przësza mie do głowë:  
Jô ce szkaplérzëkù móm w sercu  
mòckò i głãbòk.  
Të mie z serca pòdpòwiôdôsz  
to co nôwôżniészé je w żëcim.  
Szkaplérzëkù malinczi  
prowadzë mie dali i chróni jak dzeckò  
A jô kòchóm, proszã i dzãkòwac wcyg rozmiejã.  
Szkaplérzëkù malinczi  
Të jes mòjim òbstojenim.

## Tëli

Tëli minãło dniów  
chtëž bë je zrechòwac chcòł  
Tëli snòžëch chwilów  
chto spamiãtò je.  
Tëli scësnieniów rãków  
Tëli pòtkaniów, słowów  
A më dzys ò sobie  
tëli wiémë co nick.  
To co jész pòtkò nas,  
To co przënieše czas,  
Ò czim jész nie wiémë,  
Mòže bãdže tim,  
na co całé žëcé czekómë.  
Nòpiãkniészò je redosc  
zwëczajnégò dnia.  
Na redosc i ùsmiëwk  
wiedno je dobri czas.

## Za to, że jes ze mną

Jak niebò gwiónzdów nie chce mie ùżeczęc

Cemno.

Tě jes ze mną.

Na twòjim remieniu sã wespiéróm

Òbòlałò.

Tě jes ze mną.

Twój chléb je mòjim chlebã

Tě jes ze mną.

W dzén pòwszédny i òd swiãta

Tě jes ze mną

I bãdziesz na wiedno

Celesnosc je krëchò i łómechnò

Miłota je wiecznò.

## Žôl

Nôbarži žôl  
že czas przemijô,  
že nic nie wrócy  
co minioné,  
že w môlu  
nick sã nie zatrzmô,  
ani co ceszi,  
ani co bòli.  
Miniony czas  
òdpłiwô w dól,  
zatrzëmac sã gò nie dô.  
Przeżëté chwile pò to są,  
bě je spòminac kòždi mógl.  
Niech jak nôwicy bãdże tëch,  
do chtërnëch z chãcą sã pòwrôcô  
A žôl, jak czas,  
Przeminie též.  
Taczé je nasze žëcé...

# DECH NÔTËRË



## Dech nôterà

Dargò pólnô nierównò wëdeptónô  
dze we westrzódkù trôwa rosce  
i na dwa partë ciebie dzeli:  
jeden na smùtci, drëdżi na redoscë.  
Jidzemë drogą zëcô,  
zelonosc dokôła i midzë nama  
më i nôτέρα to jedno,  
bez ni nick tuwò pò nas.  
Nôτέρα, co jes wiecznô  
jak prôwdzëwô miłota,  
dlô ciebie piesnie  
i snôzé słowa wëchwałë  
to za mało.  
Ciebie mùszi kòchac  
sercã i dëszą,  
bò tak wiele të nama dôwôsz,  
że më z tobą  
jak jeden dech  
i jedno pòspólné cało.

## Krëjamnota mlëczów

Jednégo dnia  
zazłocęła sã łąka całô  
jakkbë tësące słunôszków  
na nią nôgle spadło.  
Ne słunôszka na łące  
téż parmienie mają,  
leno nie grzeją,  
bò są za malinczé.  
Za to òczë ceszą  
i tak piãkno wëzdrzą.  
Wiónczi, miód i wino  
mòże terô robic,  
mùsi sã pòspiôc  
bò czarë chtos rzucy  
i kwiôtkóm ùroscą piórka  
dlô pisklątków na pòdëszczy.  
Czasã znôwù gòdają,  
że tak wëzdrzi chłopskô sztabilnosc...  
Jak wiater zawieje,  
piórka w dól pòlecą  
Łąka smùtnieje  
z żôlu i tesznotë  
tak snôzo bëło mienic sã farwama złota...  
Nie wiém kùli w tim prôwdë,  
a kùli blós szpòrtów.

## Macejka

Nie wiedzec z jaczi stroně kwiatnika  
jak dzén jù spac sã kładze  
słodką pôchą rozmieją zaskòczęc  
lilewé kwiôtczì, pěrznã bële jaczé...  
Jaž róże są zòzdrosné, bò jich nicht nie chwôli.  
Jak taczé mało atrakcjowé kwiôtczì  
mògą pôchniãczkã zachwòcęc cali ògród i òkòlé...

## Marzëbiónka

Kòchô, lubi, szónëje...  
Sto drobnëch lëstinków marzëbiónczi  
prôwdã ce òdkrëje  
i pòwié chtëren nie chce,  
chtëren mani,  
a chtëren szpòrtëje.  
Lëstk pò lëstkù wëriwóm  
i cëché słowa szepcã z nòdzejã  
Czë të mie kwiòtkù  
wëwrózisz kòchanié,  
czë rozstanié i łzë...  
Marzëbióncò môlô  
mòże jô sã w tim rechòwanim zgùbia,  
wëszlô, że szpòrtëje,  
A jô gò tak lubia...  
Splecã sobie wiónc biôli jak sniégu  
na głowã gò włożã  
i naceszã sã dzéwczëcã redosçã.  
Marzëbióncò biólô  
kwiòtkù z naszi łączi  
dzysô jiné dzéwczãta so wrózą  
i zaplôtają wiónczi.

## Ò pòkrzëwie

Z tą roscëną  
nicht sã jakòs zetkac nie lubi,  
chòc tak niedowinno wëzdzi  
mò mòc ùkrëtà co bëlno parzi.  
Gòdają, że je lékarztwã na grzeszk co kògòs trôpi  
Jedno dotkniãcé, a człowieka rëszò  
i chùtkò cëdownégò doznò ùzdrowieniò.  
Pòkrzëwa wëproscëc rozmieje,  
mòże bë ji zmienic miono  
na proscącë zelé...

## Prôwda ò mòtilach

Jô czëła, że mòtile  
są pòsłańcama nieba,  
To janiołë na zemiã je pòsyłają.  
Wszëtczé mòtile dobro i szczescé  
lëdzóm przënôszają.  
Tuńcëją w ògradze,  
cekawò w òkna zazérają,  
bò chcą wiedzec kòmu mùszi pòmòc.  
Późni w niebie złożą rozrechùnk janiołóm,  
czë dobrze spełniłë nadanié.  
Jak òbaczysz mòtila,  
pòmëslë sobie  
że òn przëlecòł tuwò dlô cebie.  
Skòrno janiołë na szczescé je wësyłają  
nie dzëwta sã, że tak wiele jich czasã je  
tam dze mòtile lôtają  
tam sã ledzóm darzi,  
tam niebò mô bôczenié  
i stoi starzą.

## Pajk - artista

Taczi pajk to dopiérze je artista  
knëpczi snôzé robi,  
ùstrojiwô, plece, cëdëje.  
Leno wiedno przë robòce  
mëсли ò jednym:  
dze pòwiesëc plotlé cëda,  
żebë wszëtcë je widzelë,  
Mòże cos sã ùdô przedac...  
Darmò czekô,  
nicht dokôzów kùpic nie chce.  
Mùchë równak sã pòznałë  
Wcyg nym knëpkóm ni mògą sã nadzëwòwac  
Corôz blëżi pòdchôdają  
cenką pótka dotikają...  
jaż w kòrónkòwé sécë na kùncu wpôdają.  
Nasz artista głodny nie mdze  
ùplotë mù służą dobrze.  
Chòc mùchë w séc sã zaplątają  
to wcyg jã pòdzywiają.  
Tak czasã w żëcym je:  
co dlô pajków je dobré,  
dlô mùchów mòże sã skùńczëc zle.

## Kamie!

Czasu w kamie zaczarzony  
czasu w kamieniu zamkli,  
to, co tē pamiātōsz  
tegò sã nicht nie dowié,  
bò tē jak kam môlezisz  
i nikòmù jednégò słowa  
nie pòwiész.

Jakbë twòjã mądrosc  
człowiek pòznac blós mógl  
za baro bë sã bùsznił,  
czulbë sã wnetka jak Bóg.

Bez to kòzdi bez całé žécé  
szukô swòji drodži  
Kam môlezi  
W swòji kamny mądroscë.  
A më wcyg jidzemë,  
wanožnicë, niepamiätny  
szukôrze szczescégò i miłotë.



# JINÉ WIÉRZTE

## Jastróm

Zymk swieżą lëftu wònią  
bez òkna i dwiérze wchòdò  
Jastróm dówò znak:  
skòwronka spiéwã, palma złotã,  
barankã cëchim, jòjkama w farwach tãdzi  
i zajkã, co ò dzòtkach wiedno pamiãtò.  
Wiòlgònoc – niepòjãti czas,  
lëdzcze serca i dësze jak nowé.  
Niech zgòda sparlãczy nas,  
niech nie òpùscy szczescé,  
niech słuži wszëtczim zdrowié,  
niech redosc nie je gòscã blós òd swiãta,  
ò tim wszëtczim bësmë mòglë  
jak nôdlëzi pamiãtac.

## Kartëškô kòlegiata

Dzes z daleka  
jak w dôce  
czëc mòdlëtwë głos.  
Cëszô.  
Czë to janiól smiercë  
czë zédżer miarowò òdmierziwô czas  
Czëjesz, jak biegas liczi kòżdi sztócëk?  
A w chłòdnëch mùrach kòlegiatë  
jakkbë ùczëpnął czas  
jakkbë zabôczył jic w przódk  
i zaòstôł prawie w tim môlu.  
Leno rzeczenié „Memento mori”  
òd stalat przëpòminô niezmieniono  
że wszëtκό mijô, mijô, mijô...

## Na Gòdë

Zelonô danka  
przëniosłô z lasa  
pôchnie swiätno.  
Nôblëższy przë òplôtukù,  
przë gwiondzach i swiëczkach.  
Zwòniã zwónczi,  
sklëniã kùgle i lińcuszczi ze słomë,  
a janiółczi grzejã nóżczi bòsé.  
Gwionzda Betlejenskô  
nëkô zberkã nieba,  
zëbë drogã pòkazac  
do stajenczi môli  
gdzë je kùmk z Jezëskã.  
Pùsté bë bëło Betlejem bez Ciebie...  
Za òknã je biôło,  
wszãdze czëc kòlãdë,  
a pòd dankã piãkno wëstrojonã  
òkróm dôrënków  
niech kòzdi naléze:  
miłotã, ùbëtk i wszëtkò co piãkné.  
Czëc bicé serców  
Cëdowné je bëcé razã.  
Tak bùdëje sã mòst  
midzë nama a Niebã.

## Rodnô Zemio

Rodnô Zemio

co pôchniesz jak sztëczk swieżégò chleba  
jes mòjim jedynym mòlã miłotë.

Rodnô Zemio

na twòjim niebie

dlô mie gwiôzdë swięcą,

miesądz w òkno zazérô

i dobri spik mie niese.

Rodnô Zemio

słůnce mòje

tuwò pò prôwdze rozmiejã žëc,

gdze redoscë i smùtzi,

gdze pòczatk i òstatné słowò.

Kòchóm ce Zemio Kaszëbskô

i serce tobie òddôwóm.

Czë mògã zrobic cos jesz?

Blós pòdzãkòwac słowama

ti prosti wiérztë.